

光緒癸巳年新刊

重刻館陶縣志

板存縣禮科

重刻館陶縣志序

邑之有志也猶國之有史
所繫詎淺鮮哉館陶志創
自前明萬厯年間至

國初一再續脩燦然大備
余於今年春奉檄攝篆茲
志序一

土下車後搜得薛子良玉
及宋子金鏡珍藏志書閱
之繫是乾隆元年舊集嗣
遂失脩夫乾隆迄今百有
餘歲矣遐想其間形勢變
遷人物代謝正有多需而紀

載者披覽之餘慨焉興脩
舉之志公暇延紳耆詢商
僉言代遠年湮中經兵燹
莫由攷稽分存故家之舊
書亦復盡嗟散佚一旦脩
舉恐非易易而余懷耿耿

志序二

二

元

難釋然也囑各加意採訪
旋卽設局相待以期蒐輯
成帙濟美前徽適諸生耿
子明斗等以薛子宋子所
藏舊志原本先行繙刻廣
諸流傳爲請并問序於余

余固謏陋然思此舉可繼
往開來亦正聊勝於無謹
綴弁言使之重付手民一
仍其舊俾讀是書者撫編
觸懷藉得各述見聞以爲
重脩地未始非感發之一
志序三

三

元

助余實有厚望焉是爲序
光緒十有九年歲次癸巳
秋七月旣望同知銜特授
禹城縣調署館陶縣事金
陵劉家善謂元氏撰



重修館陶縣志序

陶志成屬余爲序余素不敏然承乏
茲土奉教于先生長者有年敢遜
謝以負盛舉夫邑之有志猶國之有
史也先正謂史有才學識三長余謂
三長而不本之以誠文雖工無足尙
也矧一邑之山川風土人物政蹟至

序一

元一

今日而始表章論定焉皆先有感召
于志氣之微而折衷于性情之正斯
其成也非偶然而傳也爲不朽昔我
聖夫子作春秋如無意爲文者然後
世之奇才博學絕識舉莫能出其範
圍良由至誠所結天日爲昭故褒貶
見忠厚之心君父寓規切之意紀載

緇傳聞之疑名爲一國之志實則天下之史此游夏之徒所莫能贊一詞與陶志闕有闕矣

國朝鼎興曲沃 衛師相首以通志建議

聖明嘉納博采輶軒爲一代告成書於是 太史耿老先生毅然以邑志爲

序二

元二

已任取數十世殘落不可句之遺文修飾而潤色之夫太史固所稱志在春秋而才學識兼長者也筆削所寄事必貞珉言盡藥石惟其誠也更縷列文詞井井皆可師法後之君子讀其書想見其人奚必摭逸章於故府蒐瑰議於前編而後可昭法戒示來

茲哉是役也哀集軼事以備叅訂者
汪子儀甫耿子寓仙董子尊素賞奇
析疑共勩厥成者別駕文還樸比部
耿百泉孝廉鄒尊魯中翰高煥宸余
也簿書鞅掌之暇得從梓人間津焉
繼自今惟頌隰桑之四章以誌弗誼
焉耳豈

序三

元三

康熙十四年乙卯仲秋月知館陶縣
楚潛鄭先民撰



館陶縣志序

志何昉乎自周禮職方氏辨九州之域而疆理以分後世置郡列縣於是倣古列國史各輯其一方風土政教興革之事俾一人撫

志序一

元四

方夏者覽圖披冊周知海內大勢而輕重布之用以紹芳猷於遠古垂炯鑒於來茲此王者大一統之規模未可執方隅之見測矣顧志在一邑輿圖旣隘廢

置移易靡常昔人嘗以此
爲論余謂不然自昔分并
更遷之故莫不釐然可具
考故欲得輿地之全蹟必
先揣主一邑然後合之而
郡而省以通纂一代成編

志序二

元五

則輯一邑之書者其條分
縷晰之功蓋可少乎哉陶
巖邑也踞舟車之衝人民
蕃庶土肥而俗淳賢豪鍾
生累代相映古名人勝槩
所在有遺趾焉顧邑乘之

脩創自明萬曆初年閱今
已百載其間風會固殊人
事亦代謝更兼鼎革兵火
之餘故籍寥寥無存者嗟
夫此百年中豈乏人哉乃
或與寒風苦雨而俱盡不

志序三

元六

則偕殘碑斷碣而同湮其
僅存者蓋十之三四未逮
也茲邑侯

楚潛鄭公以名進士來蒞
吾土豈第翔洽吏民懷其
德而樂其爲政數季間興

衰起頽百務具舉每詢及
邑志不禁慨然嗟歎久之
值

聖天子統一區宇脩輯天下
全書

勅下郡邑令各述其志以獻

志序四

元七

屬予假憩田里公乃商予
曰邑志不可以再稽非中
秘之責耶予聞而滋懼念
生也晚旣不及受教先輩
諸君子又世籍郡城邑中
聞見什不能備一二且非

筆削才寧克膺斯任幸有
汪君儀甫蕉輯陶山攷一
書廣搜旁錄嬋苦心者十
年典問頗詳固文獻之徵
也取而細披之復衷裁於
郡志以爲模楷編列大綱
志序五

元八

有十而目詳其中首之以
圖考終之以雜志體裁略
備而又芟牽引之辭崇典
核之要詳時事之變叅固
陋之議寧嚴勿濫寧簡勿
穢寧闕疑以俟考稽勿輕

信而恣臆說雖三代直道
難以復行然去私去僞必
誠必慎此寸心炯然固將
寄諸千秋之下者乎至甘
棠遺思守此土者多賢君
子芳聲偉伐恐歷久失傳

志序六

元九

故名宦一傳殊歎寥落隱
居自好寄跡深山與崔鹿
伍者率不留顯名冰霜潔
操或賈志深閨中而泯沒
弗彰者未必無人焉之數
者或典冊之靡徵或蒐羅

之難遍或仍前人之論
而失真或採野老之傳
而鮮當補罅漏而續成書
是所望於將來者矣斯編
也托始乎汪君之哀集受
成于鄭公之裁定復得諸

志序七

元十

君子精以校讎予雖幸預
編摩僅贊襄之力耳後之
人覽圖而興曰斯當自徵
文考獻以備輶軒之采而
壯

盛朝大一統之模者也其駑

駘附驥共青雲而施不朽
矣皆

康熙十有四年歲次乙卯
中秋日翰林院編脩邑人
耿願魯撰并書



志序八

續志序

我

國家重熙累洽久道化成

列聖相承

作述著美洪綱畢舉萬目具張其遵道路

序

卷之二

元十三

而同風俗者固合千萬世而斂時錫
福也雍正五年歲在丁未

詔脩直省通志以昭

同文之盛于是畿甸侯衛罔不率俾
共事搜羅以襄盛軌時館陶邑宰涇

川趙君知希賢達士也哀集舊聞益以新緒爲續乘凡一十二卷上之郡守嘉魚金公啟洛潤邑成書乃未謀剖剝而相繼矣會是稿遂什襲於諸生李子志杜之手乙卯秋余自堂陽

序二

卷之一

元十三

來攝館篆披閱舊志慨其殘缺銳意脩舉而竊未逮也適得趙君續志于李生之篋遂付諸梨棗而爲之序曰凡邑之有志山川人物風氣之盛衰相因而見也土宇版章戶口之登耗